

2016-imut Aningaasanut Inatsisissamut Siunnersuut

(Aningaasaqarnermut, Aatsitassanut Nunanullu Allanut Naalackersuisoq)

Akissuteqaat

(Aningaasaqarnermut, Aatsitassanut Nunanullu Allanut Naalackersuisoq)

Pingajussaaneerneqarnera**Aallaqqaasiut**

Aallarniutigalugu Aningaasaqarnermut Akileraartarnermullu Ataatsimiititaliap Naalackersuisut allannguutissatut siunnersuutaata pingajussaaneerneqarnissaani peqqissaartumik sulisimane-ranut Naalackersuisut sinnerlugit qujaniarpunga.

Massakkut pingajussaaneerinninnissamut Naalackersuisut aningaasanut inatsisissatut siunnersuummut allannguutissatut siunnersuutinik 152-nik aningaasaliinissamut tunngatillugu 148-inik allannguutissatut siunnersuuteqarput oqaasertaliussanullu tunngatillugu sisamanik allannguutissatut siunnersuuteqarlutik.

Allannguutissatut siunnersuutit aqqutigalugit Ingerlatsinermit, Sanaartornermut Taarsigassarsiner-mullu (IST) inernissaatut missingersuut 2016-imi 35,7 mio. kr.-inik pitsanngoriartinneqassaaq ukiunilu missingersuusiorfiusuni 2016-2019 ukiumut agguaqatigiissillugu 15,9 mio. kr.-inik pitsanngoriassalluni.

Allannguutissatut siunnersuutit saqqummiunneqartut tunngavigalugit 2016-imut aningaasanut inatsisissami Ingerlatsinermit Sanaartornermullu (IS) inerneru 2016-imi 58,6 mio. kr.-inik amigartoorfiussanganinneqarpoq, ukiulli aningaasanut inatsiseqarfiusut 2016-2019 eqqarsaatigalugu piffissaq tamaat 29,7 mio. kr.-inik sinneqartoortoqassalluni.

Pingajussaaneerinninneq manna aqqutigalugu siusinaartumik pensionisiat, utoqqalinersiat boligsikringinullu tunngatillugu inatsisartut inatsisissaat nutaat aningaasaqarnikkut sunniutis-sai ilanngunniarneqarput. Soorluttaaq qalerallit, avaleraasartuut, ammassassuit ammassaallu akitsuuserneqartalernissaanik, kiisalu sukut, qummoroortartut, sunoorsillu akitsuuserneqartalernissaanik Inatsisartut aalajangernerisa kingorna aningaasanut sunniutissat ilanngunniarneqartut.

Isertitassatut aningaasaliissutinut allannguutissatut siunnersuutit katillugit 3-t allannguutitalit saqqummiunneqarputtaaq. Allannguutissatut siunnersuutit aqqutigalugit ukiuni aningaasanut inatsiseqarfiusuni 2016-2019 Ingerlatsinermit, Sanaartornermut Taarsigassarsiner-mullu inerneru missingersuutigineqarsimasut ukiumut agguaqatigiissillugu 23 mio. kr.-inik pitsanngoriartinneqassapput. Ingerlatsinermit, Sanaartornermut Taarsigassarsiner-mullu inerneru missingersuutigineqarsimasut annertuumik pitsanngoriarneru 2016-imi raajartassatut

naatsorsuutigineqartut aappassaaneerinninnermi 83.000 tonsiniit massakkut pingajussaaneerinninnissami 87.000 tonsinut qaffanneqarnerinik aallaaveqarput. Raajat pisarineqartussat naatsorsuutigineqartut 87.000 tonsiusut tassaapput TAC 85.000 tonsiusut, Qimusseriarsuarmilu misileraanissanut pisassiissutigineqartut 3.000 tonsisut, tassanilu naatsorsuutigineqarluni 2.000 tonsit pisarineqarsinnaassasut. Tamatuma kingunerisaanik konto pingaarneq 24.11.12 Raajanut akitsuutit, aqputigalugu isertitassatut naatsorsuutigisat ukiumut 8 mio. kr.-inik qaffanneqarput. Ilanngullugu konto pingaarnermi 24.10.10 Nuna tamakkerlugu akileraarutini, isertitassatut missingersuutit 2016-imi 2017-imilu 15 mio. kr.-inik, kiisalu 2018-imi 2019-imilu 10 mio. kr.-inik qaffanniarneqarput, taakkulu inuit akileraarutaasa 2015-imi qaammatit kingulliit eqqarsaatigalugit ingerlaavartumik naatsorsorneriniit pilersuupput. Nuna tamakkerlugu akileraarutinit isertitassatut missingiutit qaffariaataat ilaatigut sanaartornerup annertuseriarneranit pisuupput, Nuummilu nutaamik umiarsualiviliornerup parnaarussiviliornerullu aallartinneqarnerisa kingunerisaanik ukiuni aggersuni sanaartugassat annertunissaat naatsorsuutigineqarluni.

Aningaasanut inatsisip partiinit tamanit akuerineqarnissaa Naalakkersuisut anguniagarisima-vaat. Tamanna anguneqanngitsoorpoq 2016-imut aningaasanut inatsisissaq partiit naalakkersuisuutitaqartut akornanni isumagiissutigineqarmat. Pingajussaaneerinninnissamut naggataarutaasumik isumaqatiginninniarnerni Naalakkersuisut paasivaat isumaqatigiissummi isumaqatigiissutigineqartussat ataasiakkaat tamakkiisumik isumaqatigiissutigineqarsinnaanissaat pe-riarfissaqanngitsoq.

Naalakkersuisut sinnerlugit oqarusuppunga illuatungiliuttut partiivisa annersaanik isumaqatigiissuteqartoqarsinnaasimannngikkaluartoq Naalakkersuisut neriutigigaat partiip 2016-imut aningaasanut inatsimmut tunngatillugu naggataarutaasumik isumaqatiginniarnernit aqputigalugit sunniuteqataaffigisani naammagisimaarsimassagaa, taakkununga ilaallutik inuusuttut suliffeqanngitsut ilinniagaqarsimannngitsullu konto pingaarneq 20.11.70 Suliniutinut nutaanut sillimmatit, aqputigalugu ikaarsaariartinniarneqartalernissaannut 3,0 mio kr.-inik immikkoortitsivigineqartalernissaat. Tamanna pivoq naak partiip aningaasanik amerlanerusunik immikkoortitsisoqarnissaa kissaatigisimagaluaraa.

2016-imut aningaasanut inatsisissamut isumaqatigiissummi suliniutigineqartussat Naalakkersuisunit nuannaarutigineqarmata oqaatigissavarattaq.

Tamatuma kingunerisaanik konto pingaarnerup 30.01.01 Ilaqutariinnermut, Naligiissitaanermut Isumaginninnermullu Naalakkersuisoqarfik, taassuma ataani ilaatigut 2016-imi 3,6 mio kr.-inik 2017-imilu 4,3 mio kr.-inik nakkutilliisartussanik pilersitsinissamut immikkoortitsisoqarpoq, taakkulu kommunini isumaginnermut tunngasut nakkutigineqarnerulernissaanut, kiisalu kommunini piginnaangorsarnissamut piginnaasalu qaffassarnissaanut ilaatigut atorneqassapput.

Konto pingaarnerup 34.11.03 Dronning Ingridip Napparsimavissua, 2016-imi 2,5 mio kr.-it immikkoortinneqarput "Inuusat atorlugit suliniutip" aammalu "Meerartaarnissamut Piareernek pillugu suliniutip" 2016-imi nanginneqarnissaanut atugassatut. Inuusaq atorlugu suliniutikkut

inuusuttut namminneerlutik angajoqqaatut misiginissaat, kiisalu kinguaassiuutitigut peqqissu-
mik inuuneqarnerup ilisimasaqarfiginerulernissaa siunertarineqarpoq. "Meerartaarnissamut
piareernej pillugu suliniummi" angajoqqaatut piginnaasaqarnerulernissaq siunertarineqarpoq.

Konto pingaarnej 40.95.01 Eqqumiitsuliornermut kulturimullu tapiissutit allat, aqqutigalugu
1,0 mio kr-inik aningaasaliisoqarpoq filmiliornerulernissanut atugassatut.
Filmiliornerulernissanut annertunerusumik aningaasaliisoqarneratigut partit
isumaqatigiissuteqaqataasut nunatsinni filmiliornerulernissanut nersualarlugillu tapersorsorniarpaat,
ukiunimi qulikkaanni kingullermi filmiliornerulernissanut nunatsinneersut pitsaasunik arlalissuarnillu
isiginnaagassiortarsimapput.

Tamatuma saniatigut siuliani oqaatigineqareersutut inuusuttut suliffeqanngitsut ilinniagaqarsi-
manngitsullu konto pingaarnej 20.11.70 Suliniutinut nutaanut sillimmatit, aqqutigalugu ikaar-
saariartinniarneqartalernissaannut 3,0 mio kr-inik taaneqareersunik
immikkoortitsivigineqartalernerisigut naalakkersuisooqatigiit suliffissaaleqinerup
akiorneqarnissaanut suliniutitik pimoorullugit ingerlatiinnarniarpaat.

Aningaasaqarnermut Akileraartarnermullu Ataatsimiititaliap pingajussanneerinnitto- qarnissaanut isumaliutissiissutaa.

Naalakkersuisut allannguutissatut siunnersuutaat 152-iusut tamaasa Aningaasaqarnermut
Akileraartarnermullu Ataatsimiititaliap isumaliutissiissummini akuerineqartussanngorlugit
inassutigisimammagit Naalakkersuisut sinnerlugit qujamasuutigivara.

Naalakkersuisut maluginiarpaat Aningaasaqarnermut Akileraartarnermullu Ataatsimiititaliami
ikinnerussuteqartut kissaatigisimammassuk Naalakkersuisut allannguutissatut siunnersuuteqa-
rangamik tikkuusserpalaarnerusunik oqaasertaliisarnissaannik oqariartuutaat, ingerlatsiner-
mut tapiissutitullu aningaasaliissutini ukiumut 20 mio. kr. pallillugit tamakkiisumik ileqqaar-
niuteqartoqarnissaasa atugassanngortinneqarnissaanut tunngatillugu oqaasertat nalinginnaasut
atorneqarsimasut ikinnerussuteqartunit paasineqarsinnaasimanngimmata. Ikinnerussuteqartut
tassunga patsisaatippaat allannguutissatut siunnersuutit arlallit aqqutigalugit "videokkut at-
taveqartarnej" atorlugu aningaasat immikkoortinneqarsimasut iluini ileqqaaruteqarsinnaanis-
sap naatsorsuutigineqarsinnaannginnera.

Naalakkersuisut tassunga tunngatillugu oqaatigissavaat aningaasanut inatsisissap isumaqati-
ginninniutigineqarnerani isumaqatigiissutigineqarmat ingerlatsinermut aningaasaliissutini ta-
piissutit aningaasaliissutinilu ukiumut 15 mio kr pallillugit ukiumut sipaaruteqartoqartar-
nissaa pingajussaaneerinninnissami atugassiissutiginiarneqassasut. Tamatuma saniatigut 2016-
imut aningaasanut inatsisissatut siunnersuummi konto pingaarnerup 20.11.56 Missinger-
suutini iluarsineq, allaffissornej, taassuma ataanni "Video atorlugu attaveqatigiittarnerut
atornerulernissaat" suliniummi 2016-imi 5 mio. kr.-inik 2017-imilu 8 mio. kr.-inik
sipaaruteqarnissaq ilanngullugu suliarineqarsimammata. Ukiumut 15 mio. kr.- inik
sipaaruteqartarnissap atugassanngortinneqarnerani "Video atorlugu attaveqatigiittarnerut
atornerulernissaat" suliniummi sipaarutissat ukiumut 5 mio. kr.-inik ilaneqarput,
taamaasilluni pingajussaaneerinninnissaq manna aqqutigalugu ingerlatsinermut tapiissutitullu

anigaasaliissutini ukiumut 20 mio. kr. pallillugit sipaarniuteqarnissaa anguniarneqarpoq. Qulequttamat tassunga anigaasaliissutit atugassanngortinnerani katillugit 100-nik allannguutissatut siunnersuuteqartartoqarsimanera tamatumunnga patsisaasut ilagaat. Allannguutissatut siunnersuutit amerlassusaat killilersimaarniarlugit, ukiumut 20 mio. kr. pallillugit sipaarniuteqartalernissamat ilanngunneqarnissaat toqqarneqarsimavoq.

Taamaattumik sipaarutissat video atorlugu attaveqaqatigiittarnerit amerleriarsimaneriniq toqqaannartumik aallaaveqanngillat. Taamaattoq video atorlugu attaveqaqatigiittarnerit atornerqarnerulernissaat siunissaq isigalugu Naalakkersuisut suliniutiginiarpaat. Taamaasilluni innutaasunik sullissinermi aammalu Naalakkersuisunik Inatsisartunullu ilaasortanik sullissinermi ajorseriartitsinngikkaluarluni allaffissornermut anigaasartuutini suli annertunerusumik sipaarniuteqartartoqarsinnaalissaaq.

Anigaasaqarnermut Akileraartarnermullu Ataatsimiititaliap paaserusuppaa 2016-imut kiffartuussinissamik isumaqatigiissutip sivitsorneqarnerata kingunerisaanik billitsit akii qaffariarsimanersut. Naalakkersuisut tassunga tunngatillugu ilisimatitsissutigisinnaavaat billitsit akii 8 %-imik tamakkiisumik qaffariarsimammata. Akit qaffanneqarnerinut ukiuni kingullerni masakkut isumaqatigiissutaasup sivitsorneqarneratigut billitsit akiisa ukiualunni allanngortinneqartarsimanninnerat pissutaavoq. Billitsit akiinik tamakkiisumik 8%-imik qaffaaneq piffisami tassani nioqutissat sullissinerillu akiisa ineriartorsimanerinut sanilliussilluni billitsit akiisa naleqqussarneratut isigineqartariaqarpoq.

Anigaasaqarnermut Akileraartarnermullu Ataatsimiititaliap allannguutissatut siunnersuummik nr. 219-imik saqqummiussaqqarpoq, tassani konto pingaarnermi 72.20.05 Ilaassunik asartuinermi tapiissutit, tassani oqaasertaliinermi suleqatissanik avataaneersunik isumaqatigiissutissatut missingersuut Naalakkersuisunit Anigaasaqarnermut Akileraartarnermullu Ataatsimiititaliamut tusarniutigineqartarnissaa ataatsimiititaliap isumaqatigiittup inassutigaa.

Anigaasaqarnermut Akileraartarnermullu Ataatsimiititaliap inassuteqaataa Naalakkersuisunit tusaatissatut tiguneqarpoq. Taamaattoq Naalakkersuisut erseqqissaatigissavaat isumaqatigiissutissatut missingersuutip Anigaasaqarnermut Akileraartarnermullu Ataatsimiititaliamut tusarniutitut nassiunneqartalerneratigut angallannermi isumaqatigiissutissap ilusissaata Inatsisartunit oqaaseqaateqarfigineqarsinnaanissaa periarfissinneqassammat, isumaqatigiissutissatut missingersuutit ataasiakkaat eqqarsaatigalugit Anigaasaqarnermut Akileraartarnermullu Ataatsimiititaliap itigatitsisinnaatitaanngikkaluarlugu.

Naggasiineq

Tamanna nangillugu 2016-imut anigaasanut inatsisissatut siunnersuut pillugu naalakkersuinikkut isumaqatigiinniarnernut atatillugu ajunngitsumik angusaqarfiusumillu sulisoqarsimaneranut partiit tamaasa Naalakkersuisut sinnerlugit qutsaviginiarpakka.

Taamatut oqaaseqarlunga inimi maani anigaasanut inatsisissaq pillugu ajunngitsumik angusaqarfiusumillu oqallittoqarnissaa qilanaarivara.